

مشتاقنامه

مطبعه و محل اداره :

جفال اوغلانده امنیت
صندوغی جوارنده
شنکول یقوشنده
۲۷ نومرو

اضطار :

مسلکمزده موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه در بحث ایراد و هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندربیلیرسه سنوی

۲۰ غروش فضله آلیر

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتیجی جلد

۱۴ جمادی الاول پنجشنبه ۵ مایس ۳۲۷

عدد : ۱۴۱

- « ۱۷ » رسالة العجالة في كيفية التوجه .
 « ۱۸ » رسالة المصممة عن منتهى الافكار .
 « ۱۹ » شرح قصيدة ابن فارض .
 « ۲۰ » مجموعة المكاتيب في الكلام [ارسلها نصير الدين طوسی مع اجوبتها] بو اثر اياصوفيه كتيبخانه سنده موجود در .
 ادبيات عربيه وفارسيه انتساب تاملرندن ناشي متصوفانه تنظيم بيوردقلى اشعار عربيه وادبيات فارسيه لريده معلوم ارباب عرفاندر .
 (۱۰۶۹) تاريخنده (شيخ موسى صدرى) طرفندن يازيلان مناقب نامه لرينك بر نسخه سى بشيكطاشده يحي افندى كتيبخانه سنده واردر .

بروسه بهرلى

محمد طاهر

واتيقان كتيبخانه سنده آثار اسلاميه

فارسيجه قرآن كريمك تفسيرى :

- هرسوره نك بدايتنده اوسوره يه مناسب برجه اتيان ايدر . مثلاً سورة الكوثرى شويله ترجمه ايدر :
 « بنام آن خدائى كه محمد را خبر بسيار اعطا كرد مهربانى كه نماز فرمود و قربانى فرمود بخشانيده كه دشمنان ويراهاك كرد .
 « ما عطا داديم ترا حوض كوثر نماز خدائى خویش را و نحر كن يعنى قربان كن اشتر خود را كه خود دشمن دارنده تو اوست يعنى بريده از همه خيرها و از اهل خویش . »
 (قل هو الله) سوره سنى شويله ترجمه ايدر :
 « بنام آن خدائى كه خبروى خدائى نيست مهربانى كه ديراثانى نيست بخشانيده كه ديرا همتا نيست .
 بكوياء محمد اوست خدائى تعالى كه يكانه است خدا يست كه همه را بوى حاجتست و او را با هيچكس حاجت نيست كس او را نزا دو كس ازوى نزايد و نبود ويرا همت هيچكس . »
 مؤلفى و تاريخ خط معلوم دكلدر ، فقط اسكى كاغد اوزرينه يازلمشدر .

التلوع الى اسرا التنقيح :

- نام كتاب شرف الدولة منصور بن اسعد الهمدانيك امريله عصرينك اطباسى طرفندن تأليف ايدلمش . يديوز سسكسان بر تاريخ هجر يده پايا قله مان طرفندن استنساخ ايدلمشدر . مقدمه ده شويله باشلار :
 « تشتمل على خمسة فصول تشتمل كل فن على فصول فن الاول في تعريف الطب وموضوعاته و احوال الامور التطبيقية الفن الثانى في الاسباب والامراض واعراض الكلية الفن الثالث في حفظ الصحة الخ
 كتاب حمل النساء :

واصل درجه قصوى اولدقلى كبي تخصيصى تفسير ، حديث ، تصوف ، كلام ، حكمت علملر نده و حيد المعصر اولديلر . كنديلر ندى استفاضه علوم ايلين علما و عرفا يك چوقسه ده مشهورلرى : صاحب تأليفات كثيره و باخصوص مؤلف تفسير كبير علامه شيرازى و اول شرح فصوص الحكم مؤيد الدين جندى و شارح ديوان ابن فارض سعد الدين فرغانى و صاحب لمعات فخر الدين عراقى و آب روى مشايخ فارس شمس الدين ايكى حضراتيدر . وفات عاليلى ۶۷۱ تاريخنده اولوب قبر منورلى قونيه ده استاسيون جاده سنده در . اكثر اوقاتده حضرت صدرالدينك مجلس علم و عرفانلر نده حاضر بولنان مولانا جلال الدين رومى حضرت تليلا يينلر نده مخادنت و محاضرت كامله بولنديغندن اثنائى مصاحبه لرنده جناب جلال لدينه (مولانا) تعبيريله خطاب بيورملرى . شار اليه حضرت تليريك مولانا لقب عاليه سيله شهرلرينه بادي اولديفى مثللو رحلتلر نده دخی وصيتلى اوزره حضرت صدرالدين امامت ايلمشدر . يينلر نده مكرراً واقع اولان مكاتبه دن طولاي علماء اماميه دن نصيرالدين طوسى دخی جناب مولانا كبي حضرت صدرالدينك فضل و عرفانلرينك مصدق لرندى اولديفى مشهور و متواتر در .

مؤلفات عاليه لرندى باشليجه لرى شونلردر :

- « ۱ » تفسير فاتحه (لسان تحقيق و تصوف اوزره اولوب ۳۸۰ صفحه دن عبارت اولان بو تفسير شريف حيدر آباد دكن شهر نده امير حسن الحنفى اسمنده بر ذات طرفندن طبع اولونمشدر .)
 « ۲ » مفتاح الغيب (مولانا فنارى ، محمد بن قطب الدين ازنيق ، شيخ عثمان آت يازارى جلوتى ، موج زاده عبدالرحمن بروسهوى ، غزى زاده عبداللطيف بروسهوى كبي ذوات كرام طرفلر ندى شرح اولونان بو كتاب مستطاي بروسه ده مدفون امير سلطان حضرتلى دخی بالالزام استنساخ ايدوب مولانا فناريدن تدرس بيورمشلردر .)
 « ۳ » فكوك (فصوصك مسنداته دائر در)
 « ۴ » تبصرة المبتدى و تذكرة المنتهى (لسان فارسى اوزره در .)
 « ۵ » نفحات التبهيه .
 « ۶ » فصوص فى تحقيق طور الخصوص [۶]
 « ۷ » كشف السر .
 « ۸ » نفثة المقدور و تحفة المشكور .
 « ۹ » شرح اسماء حسنى .
 « ۱۰ » جامع الاصول فى الحديث .
 « ۱۱ » رسالة الهادية .
 « ۱۲ » مفاوضاه .
 « ۱۳ » انوار انبيا .
 « ۱۴ » شرح حديث اربعين .
 « ۱۵ » رسالة المرشد .
 « ۱۶ » شمس المعارف .

[۶] يازيد رومى ، محمد بن قطب الدين ازنيق ، نورالدين زاده كبي ذوات عاليه طرفلر ندى شرح اولونمشدر .

بوده علم طب بدن و متعدد امراض نسائیه دن بحث ایدر اسکی یازیلی تاریخی نامعلومدر .

روما سفارت سفیر سی امامی

هاشم ولی

لوندرد جامع شریفی و اهمیت اجتماعیه سی

حقننده

دارالفنون عثمانیه قونفرانس

کچن بازار کونی دارالفنون عثمانیه ده خلیل خالد بک افندی طرفندن ویریلن قونفرانسنده جامع شریف مذکورک اهمیت اجتماعیه سی حقننده بیانات آتیتهده بولنلمشدر :

« بوراده عرض ایده جکم موضوع لوندره جامع شریفیر. لکن بو جامع ایشنک وضع حاضرینک بیانشه کیریشمزدن اول علی الاطلاق مسجد اسلامک اهمیت اجتماعیه سی حقننده بعض ملاحظاتهده بولنه جغم.

آوروپاده قاج کیشی نماز قیلارکه لوندره کبی بریرده جامع انشاشنه حاجت بولنسون دیمک سلامت تفکر صاحبی بر کیمسیه یاقیشمایان بر سوزدر .

بو کبی بر اعتراضده بولنان کیمسه نک ذهنی معنویات خصوصنده تشوش نومیدی به طوتلمش دیمکدر ؛ ایمدی اویله بر کیمسه تسلیت دیندارانه نک ، جهد ایمانک ترقی و تعالی ایتک ایستین بر هیئت اجتماعیه افرادی ایچون بک ضروری اولدیغنی آکلایه نماز .

مدنی انسانلر جماعت حالنده یاشادقلری کبی بویوک ایشارده ایدی جماعتله وجود بولور ، مسجد ایسه حیات اسلامده اجتماعی مشوقک بویوک بر مرکزدر .

بر حزب اجتماعینک قدرتی افرادینک وحدت حسیاتنه کوره آرتار ؛ جامع ایسه توحید حسیاته خادم اولور .

شو صوک سنه لرده کرک تحصیل ویا تجارت ایچون ، کرک کیمجیلک ویا سیاحت طریقله انکلتزیه کلن مسلمانلرک عددی کوزه چارپه جق صورتده آرتدی ؛ کلنلرک مقصدی طبیعی ترقیات غربیه دن معنأوماده مستفید اولمقدرد .

بو افراد مسلمه بک طاغینیق بر صورتده یاشایور ؛ حالبوکه تمدنه سالک اولان برجماعت افرادی نرهده اولسه بر مرکزه مربوط اوله رق یشار . دیار غربیته بولنان افراد متفرقه اسلام ایچون ایلک وجوده کتوریله جک مرکز تماس ایسه آنجق مسجددر .

مسجدک کرامت توحیدیه سندن طولای تجربه سز تجربه کار ایله ، عاجز صاحب یسار ایله ، جاهل دخی اهل وقوف ایله تلاقیدن استفاده یه فرصت بولور .

تحصیل ایچون غربیه کیدن مشرق اسلام کنجتری بر مرکز روحانی به مالک اولماق یوزندن بلکه قوملری ایچون مضر فکرلره ومناهی به صابه بیلورلر .

معنویاتی مهمل قالانلر ایسه اویله جه وطنلرینه عودتده اخوان قومیه نک حسیاتنه بکده مراعات کوستره مزلر ، کرم قلبی ایله آنلره خادم خیرده اوله مازلر .

حرکات وعلی الخصوص حسیاتجه اصلیت چیغرنندن بوسبوتون صابمش اولان کنجلر متفنن اوله رق دخی عودت ایتسه لر قوم منسوبلری ایچون آنلردن خیر وصیمیت کلک احتمالی مشکوک اولور . نته کیم مسلمانلر بویکی حالاتک آجی آجی نمونه لرینی کورمشلردی .

غربک بویوک یا تختلرندن برنده برمسجد اسلام وجوده کلسی طبیعی آنک اطرافنده برهیئت مسلمه نک تشکلی ایجاب ایدر . بویله برهیئت ویا جمعیتک وظائف متنوع اولور . مثلاً :

وفات وقوعی حیات بشرده الک مؤثر بر حادثه اولمغله بر طاقم مراسم و آیین ایجاب ایلر . قبرستان مخصوص تدارکی و آیین تدفین اجرایی کبی حالات ایسه هر جماعتجه بغایت ملتزم قیوده تابعدر . اویله برهیئت مسلمه بومراسم و قیودک - احکام اسلامییه موجبنجه - ایفاسنه نظارتلده مکلف بولنور .

کذلک ازدواج حادثات حیاتک الک مهملرندندر ؛ غربیه کیدن مسلمانلر ایله غربلی اشخاص آره سنده - بر نیجه موانع ومشکلاته رغماً - آره صره ازدواج وقوع بولیور. هر جماعت متهمنه ایسه امر ازدواجی کمال اهتمامله تحت اصول وتشریعه آلور . ایمدی هیئت مسلمه اومثللو ازدواج مختلطک نفوذ ونفوس اسلامک ضررینه اوله رق وقوعه کله مسنده اهتمام ایلر .

جامع یالکز بر محل طاعات دکلدرد ، همده بر مرکز عرفاندرد . - امثالنی چوق کره کوردیکمز وجهله - بر یرده بر جامع وجوده کلسی آنک اطرافنده مبانی تدریس حدوثنی دخی موجب اولمشدر : یعنی مسجد اسلام محل تضرع اولمق کبی خدمت روحانییه یارامقله قالماش ، برده مصدر دروس اوله کلشدر .

ایشته لوندرده انشایی ایچون چالیشیلان مسجدک حاوی اوله جنی اهمیت عرفانیه دن طولایسدرکه مسجدده مربوط اولمق اوزره برده کتبخانه ایله درس عمومی ویا قونفرانس اوطه سی انشایی آرزو ایدلشدر ؛ تا که کتبخانه ده عالم اسلامک لهنده یازلمش کتابلر بولنه ودرس عمومی اوطه سنده مزایای اسلامییه حقننده ومشرق اسلام لهنده عموم ایچون موعظه لر ویریله ، نطقلر ایراد اولنه .

بویوک کوچوک بر چوق بلاد اسلامییه ده غرب ملتزینه عائد مؤسسات روحانییه و عرفانییه واردرد . شرقده کی بو مؤسسات غربیون بشقه بشقه ملتزه عائددر واعانات ناس ایله وجوده کلشدر .